



特別
5
3537
31



YERK
18

Faint, illegible text, possibly bleed-through from the reverse side of the page.

Small red stamp or mark at the bottom center of the page.

特

門九五
號3537
卷31

重修揚州府志卷之五十

人物志五 孝友

漢

吳表性至孝太守張載舉為孝廉奉齋金為禮載閉門不受奉以囊盛投載園中而逝載追不及齋金至廣陵還奉 太平御覽引
謝承後漢書

案舊志以董永冠孝友之首考永事見太平御覽引劉向孝子圖云前漢董永千乘人少失母獨養父父亡無以葬乃從人貸錢一萬永謂錢主曰後若無錢還君當以身作奴主甚愍之永得錢葬父畢將往為

昭和三十一年
十月九日
購求

圖書館

奴於路忽逢一婦人求爲永妻永曰今貧若是身爲
如何敢屈夫人爲妻婦人曰願爲婦不恥貧賤永遂
將婦人至錢主曰本言一人今何有二永曰言一得
二於理乖乎主問永妻曰何能妻曰能織耳主曰爲
我織千疋絹卽放爾夫妻於是索絲十日之內千疋
絹足主驚遂放夫婦二人而去行至本相逢處乃謂
永曰我是天之織女感君至孝天使我償之今君事
了不得久停語訖雲霧四垂忽飛而去張合宙載稱
湖廣志安陸州仙釋董仲漢董永子母乃織女安陸
已與千乘異地錦繡萬花谷於淮南東路泰州載天
女繅絲井在西溪鎮西廣福院相傳漢董永所居井
卽天女汲以繅絲者而未注所引書竊謂董永事本
不足爲典要卽使向傳可據亦不得以千乘之人爲
泰州產也今刪

晉

盛彥字翁子廣陵人少有異才年八歲詣吳太尉戴昌
昌贈詩以觀之彥於坐答之辭甚慷慨母王氏因疾失
明彥每言及未嘗不流涕於是不應辟召躬自侍養母
食必自哺之母旣疾久至於婢使數見捶撻婢忿恨伺
彥斃行取蟻螬炙飼之母食以爲美然疑是異物密藏

以示彥彥見之抱母慟哭絕而復蘇母目豁然即開從此遂愈彥仕吳至中書侍郎吳平陸雲薦之於刺史周浚本邑大中正劉頌又舉彥為小中正太康中卒

晉書八十

宋

劉宗武陽村人宋文帝時為上黨太守少有志操居世清謹元嘉二年魏太武兵至廣陵宗母為軍所害遂蔬食終身其所住村因號為孝義里

太平寰宇記案寰宇記標目宋書考沈

約宋書中無之且太武南侵在元嘉二十八年此云二年則亦有誤至此人劉姓宗名武陽則村名也觀下稱宗母不曰宗武母可見舊志相承以劉宗武為人名以陽村人改為射陽人改太武兵至廣陵為安宜故劉宋時既無安宜而射陽又隸臨淮不隸廣陵不知舊志何本豈以寶應有孝義鄉遂臆改之耶今仍據寰宇記載入俟攷

齊

廣陵民章起之二子永明初犯罪爭死太守劉峻表以

聞見南齊書孝義吳欣之傳

梁

江綈字含潔濟陽考城人父蔣光祿大夫綈幼有孝性年十三父患眼綈侍疾將期月衣不解帶夜夢一僧云患眼者飲慧眼水必差及覺說之莫能解者綈第三叔祿與草堂寺智者法師善往訪之智者日無量壽經云

慧眼見真能渡彼岸舊乃因智者啟捨同夏縣界牛屯里舍爲寺乞賜嘉名敕答云純臣孝子往往感應晉世顏含遂見冥中送藥近見智者知卿弟二息感夢云慧眼水慧眼則是五眼之一號若欲造寺可以慧眼爲名及就創造泄故井井水清冽異於常泉依夢取水洗眼及煮藥稍覺有瘳因此遂差時人謂之孝感南康爲南州召爲迎主簿紉性靜好老莊元言尤善佛義不樂進仕及父卒紉廬於墓終日號慟不絕聲月餘卒

梁書四十七

五代

徐錯字楚金廣陵人與兄鉉相友睦常共用墨一圭弟馬未歸兄馬不肯茹草兄出亦如之鉉以直諫被逐錯思念涕泣至失心其母請於李主曰法有兄弟相罪及今願錯與鉉俱貶以緩其疾李主哀之爲召鉉鉉還而錯病已昏瞶不識人家人反覆告之猶自記兄背有黑痣子發衣驗之遂抱持噬其痣號哭幾至氣絕錯嘗著說文解字譜十卷說文解字繫傳四十卷

嘉靖志

宋

沈正舊作政泰州海陵人端拱初父爲屯田院衙官凶暴無賴使酒毆平人死正中途見父恐懼述其故正卽號呼褫衣就毆其屍巡警者捕送官獄具怡然就死聞者

悲之

見宋史二百一十五邢神留傳

許俞黟縣人從父居海陵為胡瑗所知俞事父以孝謹聞供給甘旨晝夜不怠與妻子共食粗糲供父則盡珍異父病篤澣濯衣服必躬親之曰寄於家人之手吾恐厭怠也胡瑗為作孝子傳

嘉靖志

張熹字立道海陵人事母至孝家苦貧自絕葷膳而日營甘肥以奉母赤芝生於門越七年又產舍後竹間前後凡十四本光潤如塗丹朱扣之鏗然有聲乃築三秀堂內閣劉既濟為之記侍郎蔣燦筠州守毛敦書皆以詩頌其孝感

萬麻志 案萬姓統譜蔣之奇從子名燦燦當即是燦熹蓋元豐間人

蔣伍寶應人

寶應縣志云軍師村人

嘉定間母孫氏兩目俱盲自

剗左目和粥以進母母目忽明縣上其事郡守直秘閣應純之賜予甚厚詔表所居曰昭孝坊

嘉靖志

吳汝明揚州人志興之子性至孝嘗割股以療母疾有靈芝生堂側開禧間北兵入境他室廬皆焚蕩汝明室獨存兵後疫興其家無恙人指為孝行之報嘉定間郡守潘方文上其事詔旌門

郭疑之孝友錄

元

袁智周字道濟泰州人世為丁溪鹵戶至正間父敬夫為總催劉正二虐辱死智周誓復讐陰佩刀伺間便凡

六年會正二為人所殺乃以刀棄之邗溝州守趙儼上

其事旌之見梧溪集小傳暨秦州志王逢袁孝子佩

披髮誓雲雨若磨百金一片陰壑冰六年泣血絳雲凝

悲風淒淒常夜與妖狐戴屨鬼物憑含沙時干左右眩

陸阻習坎渡阻湖歎歌獨漉氣填膺刀亦汝知龍梭騰

神鋒寒芒鐔威稜仰號彼蒼奚膏斯須間隙不可乘

坐令骨立蒼崖籐墓廬青冷松明燈矧有母老髮鬚鬚

破涕為笑躬豆登無何警家死棘荆臭肉厭厭蝮與蠅

天其假手俾世懲人生五倫首父子復讐義昭春秋禮

見遺刑書著諸史宗元議足垂千祀倒行逆施伍員恥

舞陽吉粉同轍軌老涉遲鈍切超偉固關時命非偶爾

嗟卿被兵家轉徙事往行存宜繕紀醢花香鯉搖尾

癯然鶴行過客邸欲言復吞髻颯耳惛惛猶嬰慕焉已

酒酣向刀首如匕忍歸武庫投邗水收煙消淨霜葦

一灑霍無時起安得河伯以罇授烈士來丹積冤從

鹽場上淚眼枯哀心無窮海之水誰云猛虎凶誰云長

蛇毒出爾凶毒人何獨無骨肉爾身雖斷腸已裂我

腹父也銜冤蟻蟻猶飲食被服裳皇天昭昭運三

光如山之異胡可以掩藏暑卧埃塵寒卧雪霜殺兇躍

我前野狐嗥我傍父魂有知兒其處母身未忍見身亡

嗚呼天下幾人寃且苦孝子三年獨廬墓官書大字表

門戶更願除却

蔡應祥揚州人事二親盡禮二親歿刻木肖像祀益謹

甘泉縣志引

俞建德詩稿

卜勝榮高郵州志高郵人母病不能藥日嘗痢以求愈

兄疾禮北辰乞減已年延之並痊見元史孝友尹莘傳

股以進母奉定時知府

趙德彰奏聞詔旌其閭

明

張毅字彥剛揚州人元末毅奉母避兵於大同明取大

重刊揚州府志

卷之五十一

人物孝友

六

同立都指揮使司以毅讀書曉法律召爲書佐洪武五年母趙卒毅棺斂扶護南歸至直沽父又歿毅以力薄不能歸兩喪火之而負骨歸揚州補浙江都指揮使司令史毅有兩叔父一死於瓜洲毅爲之殯一老病居鄉里十五年毅從延安侯平寇溫處還司謁告歸省父母墳墓舉次叔父喪以耐奉錢帛爲長叔父壽數日告叔父曰毅不幸父母歿矣賴有叔父在得相依顧縻於役欲畱侍叔父不可得御叔父以往則叔父已老又病甚不可與俱行毅還浙江當量口用俸掇其餘以奉養叔父叔父雖老病無苦戚戚也其叔父曰汝克萬里返葬

父母亡叔亦賴汝免暴骸骨異鄉且克垂念老身而奉養之有姪如此我旦夕死不恨揚州人見其叔姪如此無不歎息欣慕劉子仁著孝行錄以志其事

蘇平仲集

孫質高郵三塚人事親至孝元末避兵廣陵值張鑑兵亂質度不能俱免謂其妻曰不幸至此使父母殞於兵則抱終天之恨莫若棄子奉親以逃妻泣而從之遂奉父母奔蘇州二親以壽終洪武五年質還高郵會稽楊惟禎爲之立傳孫彬值揚州兵變負母而逃兒女失散王逢賦葵蘭行以美之云葵衛其根日月燭之蘭茁其芽雨露沃之兵變倉卒兮負親而逃山川險阻兮無乃

親勞上天孔仁兮命也兒遭

見高郵志暨梧溪集案彬不詳何處人

吳汝寧泰州人洪武初伯兄汝陽為蔡權鹽法事應例

充雲南烏撒衛軍越六年歸汝寧以弟代兄役赴衛至

黃陵廟遇風覆舟溺死

陋軒集

張起海陵人父遭兵亂與母相失起晝夜悲泣行求四

方三十年得之於濟陰成廷珪贈以詩

秦州志

王鳳字朝陽寶應人少孤事母趙至孝母病頭癰潰不

可近鳳朝夕侍奉湯藥久而益勤母弗起鳳時年十七

哀毀骨立既葬廬於墓一夕雷雨作母弟鄭綱往視之

鳳號泣墓上聲不絕嘗有羣盜夜入其廬見鳳容色憂

戚嘆曰此孝子也奈何驚之以所盜他物遺之墓上自

生松數株慈竹數竿日就叢茂又有白兔馴擾其中人

以為孝感後仕山東平度州同知嘗輸租銀於京羨餘

千兩歸貯公帑署攷時有昔聞孝行今著廉聲之語致

政而歸終其身廬於墓

人物攷

趙岱字謙中興化人父病岱取其中衣躬為滌濯母周

氏年九十岱日營甘旨以奉之自製樂詞帥子弟歌舞

以侑食處兄弟尤友睦恆共被服宗族皆仰以為生

萬廡

志

周鳳字天瑞儀真縣歲貢生主吉安永寧縣簿父負客

錢被訟逮繫獄中鳳作誓書賣身備值以償燕商蘇榮
憐之爲揮金償客得釋鳳詣榮備弗許質以地宅又弗
許投其券而去榮後以他事被枉鳳爲力辯獲免榮卒
爲持服三年撫愛其子如己出

康熙志

王沂字本道儀真人正統間伯父爲人所誣謫戍開平
天順改元大赦伯未得返沂重趼上疏訟寃竟得釋

康熙志

續志

徐恩江都西鄉人家貧業農兄弟數人俱析爨恩獨終
養膝下父患瘍侍藥餌甚謹日夜吮其患處父後爲盜
所傷恩奮勇手刃一人盜披靡去父死母病痰不飲食

者月餘時暑月恩覆牀下身爲蚊所嘍無完膚每晨焚

香顛天偶一老兵勾其門暑著絮繒肘後懸竹筒貯藥

恩爲母懇一粒大如粟母服之尋愈竟以高壽終有司

獎之稱徐孝子

萬縣志

史得儀真人兄能爲指揮坐法當死得念兄乏嗣請於

官願以身代爲之荷校者幾十年兄竟出獄生子會赦

並釋

儀徵縣志

楊璽字國珍儀真人事父孝出入必告晨夕定省不懈

比其亡也哀毀逾常事母益篤嘗貿易於市日必三返

視食入廚滌器母或不悅必長跪自責

康熙志

王輅字商卿尚書軌母弟也成化二十年年十四割股療父正德十年母疾復割股俱獲愈嘉靖志

徐鈇高郵人父濟民早世母劉遺腹生鈇母疾篤鈇禱天請以身代時暴雨如注而香燼不滅人咸異之母疾

尋愈母出鈇必親荷肩輿及卒廬墓三年高郵州志

魏堯民字欽夫江都人家貧年四十始婚婚時值父病未幾父歿就苦塊及葬廬墓三年既歸婦猶處子也伯

兄舜民為山東驛丞病卒負官錢堯民徒跣二千餘里走控當道得寬其逋而貧不能昇喪土人憐之予地以葬堯民痛哭識其封而歸嘉靖間里人聞其行於官予

巾服等諸生復其家萬曆江都縣志

沈永字南溪興化人永樂間為醫士與修大典選入內廷以母喪還鄉終身衰經其子良清孫鸞鶴皆以孝友

聞而世其業興化縣志

黃錫字仲允儀真人年十三喪父哀毀失明踰年乃復補邑庠生奉母孫孝母卒廬墓畢制始歸正統間以經

藝修明材德茂著舉徵為南京都察院檢校遷北通政司知事成化初遷南都察院經歷性狷介謝絕餽遺時

人語曰包公不持端溪硯黃公惟飲建業水其為人稱道如此儀徵縣志

俞攻字崇治江都人親喪哀毀盡禮處兄弟間怡怡如
正統十九年偕兄子渡江夜泊大儀泮忽羣盜擊舟攻
驚投水中大呼曰寧盡取吾財毋害吾姪波濤中若有
掖之者使得近舟盜異之遂遁去甘泉縣志

陳述虞興化人父病篤顛以身代嘗糞味苦果延二載
一日獲金於市守至暮無人至次日清晨往見一婦覓
金不得欲投水死詢其故以金與之後至昆陽趕渡逢
失金夫婦力延至家而渡舟遂沒新增

胡榮高郵人撫兩兄遺孤二人恩踰已出田宅與其二
子均分高郵州志

柏英江都人延安衛指揮使秉性孝友父卒哀毀幾絕

廬墓三年感狐兔為侶有司以聞旌表其閭萬姓統譜

陳璉字廷玉儀徵人世業農璉與其兄耕樂友愛甚至
耕樂無子璉始生子抱與鞠之再歲而殤繼與之復數
歲而殤如是者三耕樂不可曰吾弟之子猶子也已而
乃勸卜妾卒無子日夕令子女遶膝以悅其心耕樂晚
年為江皋六老會絕意家事璉亦喜曰兄之樂吾之志
也怡怡終身士人稱之儀徵縣志

嚴效字應之江都貢生性婉順事父母能色養有所規
諷雖責逐無悔父母亦悟愛之如初嘉靖初奉詔旌表

授遼東都司經歷

康熙續志

王恁江都人郡諸生七歲喪父哀毀如成人長奉母極孝母病九月不解帶侍母榻左二十餘年母壽百歲比卒哀毀骨立三年不葷酒有司請爲鄉飲賓辭不赴御

史陳某旌其門

萬麻志

顧承學字思敏江都人鎮遠侯承光弟補郡諸生自處若寒士承光奉朝請京師承學每思之輒泣下因往省薦補錦衣居半載乞歸承光嘗奉使南還躬侍飲食病則煮藥進之其篤於天倫如此

雍正志

孫著寶應人父鸞嗜飲著遍言於所常飲酒家父來第恣其飲不取值積數日則著增其值與之或先置錢於酒家使邀其父父嘗病中滿醫云須百蝦蟆納猪肚中食之可愈時冬月覓之野中遂得百蝦蟆里人大異之以爲孝感著曰傷百蝦蟆生以生吾父吾不忍也乃盡放之而自以股肉納猪肚中父食之尋愈縣令李瓚遍

白於當道旌其門

寶應縣志

白所聞字獻廷儀真人世襲衛指揮使事寡母以孝聞朝夕必問所嗜寒暑必問所服四十餘年無異一日母死盡哀骨立由殯以及祭葬皆中於禮撫季弟所見衣必共筭食必同案萬麻初凡三督曹運以捍城池卹軍

士有功陞授大河總司上勞績計部卒儀徵縣志

張仁寶應人自幼寢食未嘗離父母左右既長不娶曰恐間吾父母也父母既歿復曰無親可養何娶為遂終身不娶亦以兄有子能不絕親後云同時楊科蒯源胡

悌並以孝稱巡按皆給粟帛旌其門寶應縣志

魏全興化人母畏雷全出見將雨必遄歸夜見電光雖宿於市廛必還家抱母卧終身不怠興化縣志

桑履直字日鄰江都人萬厯間貢生少孤母性嚴見母色不豫則長跪候霽乃起後子捷事履直亦竭盡孝養

晨興必請親所嗜即遠道難得務力致之愛兄弟自居敝廬而以新築之居子弟里人咸以為履直有子江都縣志

蕭惟堅江都人生而樸誠父病痞堅持湯藥數年未嘗安寢及母病亦如之親歿弟妹俱幼堅撫養成立經營婚嫁之事弟婦温早孀撫其遺孤俾得守節及惟堅夫婦疾子廷瓚後先割股瓚妻病瓚之子日曠割肝以救一門三代篤孝里中未有也日曠別見後雍正志

李思謐興化人少師春芳孫居嫡母喪三年不入內刺舌血寫佛經茹素終身異母弟思讚幼失恃與同卧起飲食必共案撫愛甚篤年二十九卒所著有春秋纂義

懿行類編敦好堂一二集興化舊志

龔勳字世臣御史謙之孫九歲母疾隆冬思藕勳禱於神求獲之後為諸生貢入太學一日心動馳歸侍父五日而父卒隆慶時祀鄉賢子元成嘉靖二十二年舉人

以刑部員外郎出為楚雄府知府見高郵州志暨龔氏譜

陸典字南陵高郵人少有神童之號年十五遊庠父龍慷慨任俠有衛弁侵屯事露法當戍謂龍曰某罪不敢辭所惜祖宗汗馬勞自我斬為泣下龍憫其情即挺身

代任其過論戍遼東典時年少將出塞省親而父訃適至即長號赴戍所奔喪計舉柩而法不得入關乃徒跣京師哀控當道薊督王某憐之為傳檄津送得扶觀歸

葬後以歲貢授常寧令以忤上官改府教授忻然歸號

卧雪老人修高郵志十二卷高郵州志

楊守業江都人事父槐母張曲盡孝謹母病藥餌必親嘗裹衣而卧起者浹旬日夜籲天號泣踰年母歿守業哭躄踊絕者數四家人救甦勺水不入口越旬而死有

司旌其門萬縣志

任材興化人父患背疽勢甚惡材禱神而吮之得膿數升而愈事繼母曲盡孝養鄉人稱之興化縣志

孫諫高郵人父病寒割股食之而愈又病疫割右脇截肝寸許食之又愈同邑割肝療母者又有張佛住割股

救親者有姚輔高之榮輔字良臣四義村人割股時僅十歲都御史戴金稱其純孝之榮父其義病革榮割股

療之差在崇禎間

高郵州志

李祐字守業泰州三塘人少為吏以親老不仕父遵痼疾祐割左乳一臠烹焉缶方際而父已甦時萬麻二十四年仲冬十三日也越十餘年母病更割左臂以救又嘗所遺以辨起色母亦愈薦鄉飲賓者三悉不應生平篤於根本建心齋先生祠立宗祠設義學義田繕杠梁諸善舉不一而足年五十三卒

家傳

杜中醫江都人母病疫癘危篤與弟中喬各割股肉母

病得愈父章燦又染疫臥

兩子計曰子身皆父母

之身幸臠肉可以活母倘

可以活父忍避寸鐵乎

遂引刀再試父病亦瘥各院道驗實編誠憲綱

康熙志

趙宗普江都人母八十病篤宗普年已六十割股以進母遂愈其子天澤亦割股救母孫啟新道立皆以孝友世其家乙酉城破婦葉氏卞氏相攜赴水死里中稱一

門孝義

江都縣志

范峒字邦鎮寶應人正德十四年歲貢仕桐鄉餘干教諭居母趙喪廬於墓年百歲乃卒同邑以孝稱者又有吉琳張京琳字孔璋正德十六年歲貢父進雙瞽琳每

夜焚香禱北辰一日遇方士投之藥目忽明京字子承
張纏之子也纏耕讀自厲廉隅萬麻二十四年有司上
其善行京孝行尤篤父病割股以救醫來必跪拜致敬
湯藥不能進度以口居喪辨踊哀毀既葬廬於墓有司
既表其父兼舉其子以善孝上聞寶應縣志

陳咸厚興化人天啟間以父死王事扶櫬歸里道逢流
賊咸厚與母王守柩不去賊疑柩中有貨欲啟咸厚以
兩手衛柩被賊刃死數日後人見咸厚尸尚猙獰抱柩
弗離也王宜人亦罵賊不屈死崇禎初建坊旌表新

陳應詔興化人與諸弟析產獨取惡者曰吾善治生理

吾弟讀書固不能經營也舉鄉飲大賓同上

李長標字出林興化人春芳曾孫母嬰危疾長標稽顙
佛前割左臂肉療之不起擗踊呼號勺水不入口者三
日以憂傷成疾卒年三十七同上

徐文瑄興化貢生祖登明父母歿時年已五十猶孺慕
如幼時文瑄父煠早卒每遇歲時祭祀輒悲痛及壯扶
親柩改葬會冬月寒甚文瑄既哀且瘁於煠墓前嘔血
數升卒鄉人以死孝稱之興化縣志

崔蔚泰州人崇禎十六年父士科被誣陷獄且罪不測
蔚上書訟父寃願代父死推官湯來賀歎其誠孝權令

抵禁

國初始釋歸兄斌弟克皆割股救親與蔚並稱三孝子

新鹽

志法

國朝

陳嘉謨字我師興化縣學生七歲失母嘔血成疾事繼母以恭謹聞順治六年嚴禁私鹽猾吏構鹽徒爲黨妄株大姓破其家嘉謨父宏道張酒肆城東羣盜入飲指畫授計數側目之未幾事敗詞連宏道嘉謨赴縣自明因窮詰其黨與賊大恨遂誣宏道歟船通海與其弟宏猷俱繫府獄賊黨日夜謀殺之胥吏索賂累百金嘉謨

欲一見父不許詣賊所請以身代賊交口唾詈歐之見血獄且成嘉謨痛哭於城隍之神乃悲憤嚙指作血書置袖中出廟去是夜其僕獨臥邸舍三更聞哭聲且叩門甚急起視無所見大怪之及明運使白公有傳家書至署者啟封則嘉謨所作血書也其略曰國家度支仰給東南鹽利所在增置巡鹽官吏而奸猾亡命率竄匿鹽徒中鈎致官捕快其意所欲報每一犯獲必株連數十家歲久不決非重貲以賂獄吏無一生還夫以興販巨囹其罪不過徒徙而轉令牽引無辜之人淹滯囹圄破產不出動受巨創以死民之父母何以爲心且今之

巡鹽捕盜者彼固私販逋逃主也釋此不問而誣我善
良橫陷非命養亂叢奸鹽政日壞誠得雪父枉革海巡
爲揚郡闔屬數十百里生民除無窮之害嘉謨死不恨
又曰父死子亦死徒死耳無益死於今猶可明父冤運
使得書大駭令求尸不得越七日得之髮上指屹立城
外官河中運使雪涕曰父罪不致死何致是御史廉得
其事出宏道宏猷於獄收葬嘉謨盡殺賊黨時年三十
二婦沈甫二十有遺孕生一子守志四十餘年

見康熙志暨張

符驤依歸草

路登明字羽聖儀真人順治九年貢生司訓宛陵尋補

瀏陽令以疾歸先是天啓間伯兄雲以江舟十餘艘攬
賈客載他舟嫉之會鎮江楊天麟之子儵戚岡舟之雷
都被劫殞命天麟跡至江干嫉雲者誣指雲訟於官拷
掠誣服無贓狀登明肆力購捕岡於岡所得麟物檄他
司覆勘索重賄登明恃直不應遂反坐禡其衿後得兩
俠士雪其冤乃得復登明事嫂如母誨姪如子年七十

卒

康熙志

金玉節字元亮江都學生少好學順治二年

大兵圍揚州玉節父母俱未葬日夜撫棺泣圍急乃穴室
中地瘞之會城破未掩僮僕皆奔散獨與妻張捧土覆

而兵猝至張避暗室玉節獨跪土穴前叩頭泣血請兵異之不忍害一卒疑瘞金也奮力砍棺玉節以身翼蔽棺上大呼曰吾身可斷棺不可啟卒揮刃砍玉節子奇選甫九齡泣涕奪刀跪啼曰願殺我勿殺我父卒瞋目曰小兒不畏死耶執之繫馬上去玉節得免又一卒至以大帛繫去一寺先是已繫十數人皆殺之將及玉節忽偉丈夫從屋躍下拔刀大叱卒舍去丈夫送玉節歸探一小旗令懸諸門可無恙其時城中多逃亡始返積屍載塗井水盡赤惟玉節一家完聚率來取汲謂之孝子井高郵孫祥父棺在堂鄰不戒於火將及廬祥哀號伏棺上誓與俱燼須臾反風滅火又儀真李氏子負販人也乾隆丙子城中火延燒甚遠李方侍母疾火及其舍急呼婦昇母出母曰若小子女何李曰遑恤彼耶返視已不可入明日往迹之則梁柱之未燔者支柱牆壁間子女竟熟睡無恙咸嘆以爲孝感所致張四科作李孝子詩惜不傳其名見甓湖草堂集暨廣陵詩事并有孚汀都人父三才歿於兵有孚始十一歲隨大兵至金陵晝夜哭泣思母五年不輟大元戎令回籍孝思愈篤母歿哀毀骨立既葬廬於墓側終歲修墳壙培樹木不入城市年五十四卒於墓舍孝義錄

吳愛儀真人父客死雲南愛年十四聞訃欲往返父櫬時兵戈塞路愛年少人咸阻之忽一日痛哭別其姊曰姊善視弟明年是日無信歸吾隨父地下死矣乃竟去至湖南三爲兵掠踰年至貴州失路一獨婦見其少欲汙之愛堅不從閉之空園中七日采桃以食不死婦驚異遣之卒至雲南載父柩以歸高郵有黃某者不傳其名居三官廟西父遠賈死於外黃甚幼及弱冠欲歸父屍不可得一日宿野寺夜如廁置燭於土之起而高者夜夢其父曰燭之下吾在焉明日有老僧從遠來蓋其廟之舊納不至十八九年矣黃告以故乃言與其父交死而葬之卽土之高起處也遂出骨滴血驗而以骨歸

見蟹湖草堂集
暨孝子尋親記

張中達字九達江都歲貢生父學用早歿事母最孝館於外晌午必歸爲母滌拭膺器夏夜扇枕席冬蹲母衾外温母足生二子後卽不復入室伴眠母側或遣之泣曰母氣衰非兒不暖且恐有所喚也如是者三十五載母歿以母所臥幃席置已榻人問之曰此老母所御臥此如依吾母也乾隆二年

旌表子庸德康熙十七年副榜亦以孝友稱嘗哭父病目哭母目加病再哭弟遂失明著有四書尊注會解

見學案錄

存登雅

正志

程願學字負若儀真人祖死於法父徙寧古塔願學以幼免成童以後思其親日夜泣每食未嘗飽冬月則忍寒不衣棉纈終身以喪禮自處年六十而卒臨終戒其子勿以與妻合葬以不知其父骸骨所在也時與程同戍者又有樊逢逢二子璽瑩先是瑩幼璽嘗由淮濟燕遼達成所謀迎父歸不果瑩念父不忘日夜啼閱三十年母歿瑩隻身渡海抵弇州竟迎父歸里瑩所著出塞吟一卷野漁小稿一卷合為師善堂集見儀徵縣志暨弇善堂詩序蔣垣字次斗江都瓜洲人時值兵興人皆避去垣方十

一歲父母俱臥病屬族人攜垣去呱呱親側不忍離兵

見而憐之全其家以歲貢生終子承慶亦歲貢生江都縣志

王日强字坤明泰州人順治八年其母染疫於姊氏日强禱關帝廟剖左脇截肝寸許昏仆神座前遠近聞而觀者數千人其姊奔救昇歸取肝和藥進母母愈日强五晝夜始甦月餘創乃復母性不喜雪歿後既葬大雪日强挈帚趨墓所掃之僵凍幾死妻子掖之歸翌日雪益甚仰天號泣不止鄉里呼為癡孝子新鹽法志

周繼文泰州人夜有羣盜入其室索金不得縛其父俊符以火灼之家人驚避繼文年十一持杖直前與盜鬥

盜去而父竟以焦爛死奉母何控諸官捕盜抵法同
李之瑀江都人母蕭病之瑀祝天願以身代次日割股
肉作羹以進立愈時年方成童也順治五年學使者及
撫按各給扁以旌之閩士彥居甘棠里割股愈父亦成
童時又茹素以祈母壽性好義貧者待以舉火既歿里
中童叟多垂涕童年割股者又有金維良江晉吳遂郝
玉三皆江都人維良十二歲母病殆潛割肉置藥鑊中
母食之而愈會有以畫質其父者父令展之竟數十軸
不敢少露其苦後家人於其浴時見癍痕始知之晉年
十三後改名山永補諸生遂割股時八歲玉三九歲見

熙志暨江
都縣志

俞士瑄字宣玉甘泉人天長籍歲貢生父陞國鄉飲大
賓同產八人遺貲悉推以與兄弟士瑄年十二侍嫡母
疾母氣息羸頓瑄以口承其唾母歿勺水不入口者三
晝夜百餘日哭不絕聲及葬徒跣扶柩往返數十里父
喪服闋猶宿於外奉所生母陳色養兼備有烏巢於所
居之屋人以為孝感後十餘年生母歿士瑄慟絕復蘇
者數次葬之夕大雨驟至士瑄竟夜立雨中仰天號泣
近墓之人為之不寐雨止乃歸自居憂時冬不鑪夏不
扇口不近杯勺後遂至老不易著喪禮七篇推明禮經

之意而準以世俗之所能行生平不晝寢不箕踞不於
牀第間飲食不以常見之人不衣冠爲鄉里矜式者數
十年康熙四十五年舉孝子年五十六卒子象洛象浣

改堂
文鈔

宋長春字明之高郵學生事母毛氏以孝聞一刻離膝
下則如有所失母歿藉草臥棺下三年茱萸灣有陳孝
子者母歿露處墓旁不忍去土人憐之爲構廬當事聞
而旌之又爬煤者不知姓名以爬煤爲業暮則市酒脯
歸捧觴且歌以取母笑樂夕以爲常母死棺衾皆夙具
屋數椽障其中爲喪次屬妻曰爾主饋我臨喪自今始

無相見也居歲餘妻前請曰夕斷炊矣爬煤者嘆曰呼
則諾奈何近喪次旣葬詣墓所三年以孝聞於鄉鄉士
欲上其狀爬煤者笑曰此人人事耳獨我耶君輩讀書
顧不識此言畢不知所往高郵侯建山太平八鋪人每
日鬻糖於市有所得悉備甘旨供母黃蕩橋有乞兒陳
姓者每乞食先以供母得米飯必以進已不敢嘗預爲
母乞棺木人皆感而厚施之母死每日必乞以祭其墓

見高郵州志暨覽
湖草堂集東山集

何世源泰州人性純孝質訥不務文飾順治十五年世
源年二十三祖母盧年九十病劇甚世源夜焚香告天

將析肝以救力礪刃於刃恍惚中見一青衣童子來供水少頃忽不見至夜深避人潛剖左脇見其肝自吐乃割一片自烹以進給祖母曰羊肝也食之少愈及曉猶入市取藥歸乃仆臥不起家人驚視始知其故未幾創痕自痊人以爲孝感所致

康熙中十場志

蕭應鳳泰州人父思山母單氏相繼云亡鳳哀痛毀容既葬牽席作幃廬墓六載霜雪未嘗少離與人言輒流涕孺慕終身不衰

同上

戴士誠字誠之儀真人刲股療母疾順治十五年與同

邑錢尚志經一儒俱以孝舉士誠獨力辭

儀徵志

王賓字賓王江都人康熙二年舉人二十一年就禮部試聞其父之喪大呼淚不得下兩手據木榻目直視不食飲客往弔唁不能磬折發聲悲號如是五日而卒

尺百

梧桐集

掃垢山丐者失其名康熙間奉母居江都西門蘆蓬中所乞食必潔以奉母間得錢市酒肉歌唱奉母母卒哀

毀骨立

學案錄存

趙蔭雄江都人母薛抱沈疴蔭雄年十八齋沐絕粒跪禱於天願減己算以延母年母病方愈蔭雄尋得疾不起同邑汪源澍字汝霖父躍雲病痺氣息僅如縷澍禱

神手書疏願以身代疏焚父霍然起澍竟以病卒見雪

集暨江都縣志

汪超寧字綏遠父歿悲號咯血晝之所為必書於紙焚

柩前且泣且告伏地不能起閱五月以毀死淮海英靈集案超

寧載江都志近儀徵續志亦載之

張京字羅萬興化人七歲知孝養父母歿畢世哀慕不

忘有司旌其門興化縣志

宋飛雄高郵人父歿停棺未葬母病臥牀會雪夜母室

中火起即赤身奔抱母出母得免而飛雄身已焦灼見

火逼父棺急以身赴雪中滾溼長號躍入火中赤手撲

救火稍滅而飛雄糜爛死時肌膚既落猶曰吾父母無

恙吾死無恨高郵州志

張汝化儀真人母徐病不起汝化欲取肝啖母跪神前

自割其胸幾絕鄰人奔救急以麻縛之始甦母聞驚汗

疾遂解母子皆不死康熙志

蕭日曠字毅菴江都庠生蕭廷瓚之子母朱病危日曠

為文告天願以身代俟夜焚燭於庭以刀割脇割肝一

片置案上掩衣謝天起覺肝忽失再割再割銜肝口中

仍見前所割者乃並置銚中令婦俞捧湯而進母疾頓

愈越七日創漸合復潰至二十日血盡瀕危屬家人曰

我死移屍於外勿哭恐傷母心環抱父身泣嘆而卒年二十六家人體日曠意移柩小室以蘆葦數十束蔽之不令母知母問給以出作客如是十二年為賣菜傭所

泄母大慟病復作死里人感其孝葬於梅花嶺側唐紹

祖為之記家傳 附日曠遺書男生於崇禎癸未十二月初四日因母病篤情願割肝救母自分必死男死之後父親

手底不足不必多事諸親友亦素知之我父我母年尊仍當保重切勿過為悲慟令男魂魄不安至於房租兒已一一清算交與媳婦可以放心也

周煜字子建泰州人性篤孝父嘗病腹滯煜嘗糞以下

瘞否繼以割股比父歿哀號嘔血慟不欲生閭里呼為

周孝子而不名學使者給衿服以示風勵焉康熙臨法志

何世綬泰州人母病篤綬稽顙北辰求以身代又念兩

世一身恐絕先祀乃割股肉烹以進母食之而愈越十

餘年母得瘖疾則又割肉以冀微倖疾未盡起逾兩月

又割股肉燒灰調酒飲之始全瘳中十場志

房永興甘泉北湖農家子也性至孝父母疾輒顙北辰

求代往往見空際有神臨之父母病隨愈乾隆間父患

危疾永興起子夜割肝若無創者仍刈麥於田創忽大

裂人始覺之四年卒甘泉縣志 陳儼房孝子詩序云

無父母雖生何為既歿甘泉令龔鑑刻石表其墓任安國字履仁儀真庠生母患羸症父縉病食噎安國

與兄安世顯天祈禱割股數次割肝一次縉卒廬墓三年乾隆四年請

旌建坊

儀徵縣續志 吳均任孝子詩 云割股療父三割股救母七

王維慶字裕昆高郵人妻陳同以孝稱母病陳割股肉愈之明年父病維慶曰吾聞割股非孝然吾婦行之而效則傷體愈親不猶賢於已乎亦割股愈之維慶五十尚無子陳為納妾田氏生子一僕亦以孝名溯田氏之年正生於割股愈父時相傳割時昏仆於地聞空中語云生昌汝後蓋謂生田氏也

康熙志

申象字異錫高郵人父體羸象為解襪每捧足而泣父病割左臂肉和藥以進曰吾非不知毀傷為大戒然情

迫矣柰何父歿終身思之白首猶作嬰兒啼終於歲貢生生三子一女女適王曾祿生安國安國貴

贈禮部尚書高郵割股者又有劉夢舉邱雯徐應熊葉令王士芳任崇基夢舉秘不欲人知曰割身救親人子所當為雯孺子也在康熙三年正月應熊父名炳令六歲父抱疾醫藥不效令割左股肉入參苓內得愈士芳父病割股肉焚神前作蘭花狀更割以療母基崇增生割股肉以療母

以上並高郵州志

孔應試高郵南陵邨農夫也母施病割股愈之逾年再

病再割不愈發願然肉香十年遂翦肉和香蒸之胸前
經創墳起者三十二處父好年八十病瘡不瘳有人傳
挾冥官目辟之立止應試曰挾神目謂可驅瘡鬼耳吾
有目取而代之與其令鬼畏不若令鬼憐也八月十五
夜焚香祝天挾左目睛墮有血絲綴之長寸許不可斷
因竭力截之乃斷煮湯以進瘡果愈後鄰老告其父父
痛甚逾旬死應試哀號不飲食者七日御史楊仁愿旌

其門

康熙志

方立禮字武城本歙人遷江都母側室繼母汪生立化
立乾汪惡立禮每怒輒大杖立禮宛轉承順惟謹一日
提突傷立禮幾死及蘇無變容年十八父卒汪益逞析
立禮於外立禮時時候門外因兄弟問母起居奉甘脆
汪疾則憂懼不食日夜奔走戶外妻洪孝謹與立禮同
日受鞭撻無違色汪與立乾死於兵時立化已早歿子
女昏嫁喪葬皆立禮任之明末用宦者王坤督饘立禮
伏闕上書言不便狀為通政所格漕渠有巨椿積石歲
壞船無算捐貲除之雍正六年

旌表建坊

異香集

管宏選字彥遴甘泉增生父玉音字雲和有至性值兵
亂奉母匿興教寺佛閣上兵猝至將刃之玉音以身蔽

日寧殺我勿殺我父遂免子宏選九歲失母將殮日者謂年命相沖宜小避家人閉之別室選擗踊呼號以頭觸柱血流被面家人不得已出之至殮所一慟幾絕久乃甦及長善事繼母撫幼弟宏進成立生平不苟言笑三子鑰緒宣孫七人長一清乾隆四年進士選庶吉士

甘泉縣志

徐九章泰州人母病危參朮無貲倉皇莫措乃以雕刀拄牆上刺開脇骨肝自流出割指許煎湯奉母獲愈又揚日藻弱冠食餼父病割肝其割股者有袁懋良楊江王相沐蔣乘龍朱雲龍陳秉憲陳晉吉懋良郡諸生江

母病盡藥田園以供藥餌三日割股兩次父歿與弟洛

茹素終身所生女亦割股療母疾相沐父病割股時年十三乘龍父歿廬墓雲龍妹名淑德因父病兄妹割股不約而同秉憲諸生祖病顛天割股得愈晉吉郡庠生嫡母病篤禱神割股得痊次子朝言亦割股療母病皆

泰州人

泰州志

吳文璧字秀東本歙人高祖光彥遷揚州遂入籍江都居康山文璧十歲侍母疾卽知奉湯藥問衣燠寒扶持抑搔歷久如一日母憐兒勞瘁或疾示無恙文璧則泣母病劇目不交睫者二百日母命之寢文璧卧牀下偶

有需卽應旣而坐於足俟動靜母竟不起文壁擗踊踰節朝夕哭奠上食如事生禮暇則伏苦由間瞿瞿若有所失時沍寒父命居內文壁曰兒畏寒兒母亦畏寒家人餉以火則置棺下曰吾母幸煖自是泣血無淚狀若狂易患頭痛家人進藥曰此何足已吾病母更生一撫我卽愈遂不語六日而卒年二十四距其母卒時七十

日

缶林文集

經承輔字蘭谷江都人少孤事母誠篤歲饑自食不飽而奉母必甘脆撫教幼弟讀書母歿哭之喪明同邑戴思訥康熙四十五年進士官編修父歿謝弔吳門夜經

舟中

江都縣志

閔道宏江都學生父謁選卒京師道宏徒跣奔赴日行數十里足脛流血哀號感路人母病劇中夜禱神割股肉療之獲愈親歿撫三幼弟各爲授室叔季兩弟歿道宏哭之慟於舉殯時嘔血數升卒時年三十四

江都縣志

張廷樞字天木高郵學生少孤事孀母以賣字錢供甘旨嘗遊虞山忽心動時暑雨滄沒道途舟行風復不便乃徒步行泥淖中三日抵家母果病頸疽膿不得出廷樞以口吮之獲痊著有寄菴詩集子志道亦以孝謹稱

高郵州志

襄陽府志

卷之五十一

人物孝友

年

李棟字吉四興化人天性和樂爲人師三十年得館俸則奉母區給未嘗豪髮爲妻子計且以弟之子女多宜倍與母吳苦節五十年棟力請

旌典子炳旦字震男康熙五十四年進士亦以孝友稱

林

文集

李元健江都諸生母年八十病矢遺必躬自浣濯鄉人

重之

康熙志

高成琦字軼韓江都學生祖以偉生二子克詹克警皆學生成琦克詹子也克詹緣事被逮成琦左右囹圄及受杖伏父身請代不許觸堂階氣絕得救甦父流二原

適母病篤不能從每歲徒步三千里省父一日又潛歸奉檄驅往成琦隨行乞食途中負父以行至於足裂血流未久父歿於戍所母又繼歿成琦抱父木主投城南義濟橋下死時雍正五年某月二十七日也年四十一
乾隆元年題

旌先是以偉遠客廣西柳州十年無音問康熙二十三年克警往尋父不得遂由廣西渡海至琉球日本等國三十八年父子相遇於絕域時囊空如洗克警負父行萬里沿途乞憐四十一年歸里父痼疾克警割股和藥進凡數次延十七載歿乾隆二十七年題

旌

學案錄存

成原正寶應人年十七母張得羸疾原正五割股肉以救朝夕坐卧母榻下及疾篤勺飲不能入原正以口度米湯逾十晝夜母歿哀思三年致疾卒

雍正志

朱維夔字龍文江都諸生五歲母亡育於庶母吳孝養不異所生為服三年喪以報之異母昆弟七人析箸時疑維夔有所私維夔泣涕譬曉諸弟感動益相友愛從兄有孤貧者日供錢米師友之貧者至白首猶禮於其家鄉里有忿爭必曲為之解及卒鄉之會哭者至二千五百餘人

江都縣志

宮壽平字貽安泰州人母歿扶柩渡洪澤湖風濤幾覆舟抱柩哀號風為之霽以子翼宸雖貴

贈奉直大夫著有敬靜堂詩文

新

繆肇甲字墨書泰州人事繼母孝母病密封臂股和藥以進病旋愈下河隄決少司空經理河務按行泰州聞肇甲有善策就其家訪之則繪圖於袖備陳源流並以家財佐工性好施子秒歲風雪中往往袖銀錢步委巷遇急者輒相贈不問姓名以子沅貴

贈資政大夫

同上

魏學誠甘泉人事母孝推產讓其兄兄產膏盡養兄嫂

四十餘年并及再從伯叔同懷之姊早歲喪妻終身不
再娶子余詮亦以孝謹稱雍正間公舉孝廉方正余詮

辭甘泉
縣志

常用中字衡一甘泉黃珏橋人父聖敏喜浮屠說不茹
葷飲酒用中亦效之時方十數齡人日子幼年乃佞佛
耶徐私語曰人子不得以甘脆養其親可自食甘脆乎
遂茹素終其身娶婦邵五年生二子桓楨而邵卒父令
續娶用中日恐未有性情如邵者竟不復娶兄弟四人
伯季早卒以楨為伯後恤季婦延師教其孤事仲兄極
恭年四十九卒病中惟呼兄不已他無所及家傳

焦懋字逢庚甘泉黃珏橋人洪之子諱中雍正元年武
舉父疾衣不解帶者兼旬遭變哀毀骨立三年不一御
酒肉不宿內偕兩弟廬於墓側弟熹成進士官古北口
不忍更舍母求仕及母歿哀痛更加於前子輪軾俱甘

泉學生著有詩餘杜胡集一卷同上

閻寧生字天皆江都人歲貢生季弟班生歿思念不置
日往號于墓間景于禮字子介父歿讓產與兄弟而以

舌耕養母江都
縣志

李廷蔚字蔚臣泰州人雍正七年武舉兄歿姪負賈人
錢廷蔚鬻產代償曰兄子猶子也其後四世掇巍科泰州

學案

金門詔字東山江都人乾隆元年進士改庶吉士保舉博學鴻詞父病衣不解帶數月中夜焚香請以身代兩割股以進及歿五日勺水未入口泣血染赤衰經及葬廬墓凡一年弟殿詔沒於西江憫弟婦之烈遂與室人不共居不私一語在京都重構揚州會館於族中修譜立義學置辦書籍等事行之不倦所著東山文集全韻詩華鄂集金氏一家言行世弟殿詔字蓮西內閣中書父喪畢砌一小關僅容膝畱穴進粥飯讀書其中所讀十三經註疏每一經熟輒啓關焚香泣背父像前畢復入關大書遺言讀書要有根底六字於穴額復作孤兒吟三十首讀者謂其哀音慘於蓼莪年三十四而卒著有蓮西集二十卷四書人物續考一百卷新孫健字汝翼泰州廩生事祖孝祖年老得脾敗症汚牀褥手親浣垢以優行舉辭不受又有繆閔達父母病嘗穢以驗乾隆十一年題

旌建坊丁樂字希韶乾隆二十五年舉人少失怙每見父手澤必下淚奉孀母終身孺慕張督學廷璐以扁表其門易純臣字效忠母病終純臣亦病匍匐視含殮哀號仆地病篤家人以無棺泣純臣張目曰存吾順事沒吾

寧也語畢而卒戈安淮字寅士購精鑿奉母已食糟糠
母好潔臨終未浴安淮以舌舐尸而殮之李文彬小字
武香保以煮鹽養父父落水赴水救同溺死李琦字韞
輝兄故嫂孀兩弟俱幼父邁病欲析其家琦哭阻之且
誓於神父病篤祈神剗股和藥以進父歿析居兩弟貴
日削琦仍合其家越十載充裕均其數析之朱彤堦字
殿辰以研田餘貲分給諸弟不以私子高繩武孀母年
八十二目失明以舌舐母目積數歲能見物高垂裕字
殷昆父病裕素敬信天台遂晝夜焚香望空遙禱按步
計程足至瀝血父獲愈奔母喪於柳州扶輓歸里抵湖

南澗虎突出裕跪禱曰吾不足惜柰母棺何虎卽去有

吟香閣詩集皆秦州人

同上

徐昶字良善秦州三塘人父病剗股進獲愈昶善詩古
文著有愛日堂集秦州割股者有黃學詩楊開宗俱三
塘人王晉錫字康侯少孤以舌耕養母乾隆元年母病
痢衣不解帶數月醫辭不治晉錫號泣籲天割股進母
疾愈袁本暢字樹人父病瘵木暢禱於城隍廟神剗左
股和藥進父夜夢神語曰因汝子孝感延壽一紀病尋
愈事在乾隆二年子廷詔亦剗股療母疾得愈姜山寧
字錦巒母病篤山寧禱於神剗左腕肉以進母疾愈山

寧劄亦痊事在乾隆二十八年葛森字瑤彩父病割股以療乾隆十七年督學雷鉉旌其廬喬暄母病暄禱於茅山求以身代割股和藥母病愈逾數月復病暄又割股陳忠讜年十八父母俱邁危疾先後割股肉療之皆愈次子鑑亦割股以愈祖母義僕青霞見主病篤涕泣割股陳家珍年十八割股肉療母疾韓瑤母病割股進愈李祖聖性至孝年九歲割股進父未愈哀毀如成人吳應裕字涵卿年十三母病篤割左臂肉療之母歿逢忌日必泣下父歿遺幼弟兩人皆為婚娶手割千金產盡讓兩弟同

喬崇祖字瞻聖寶應人可聘孫歲貢生選安東訓導兄病問視不頃刻忘兄既歿遺五子二女以勞瘵傳長男次男長女相繼歿所餘三男一女皆病崇祖延致於家或怵之崇祖曰傳染有命吾不懼也調治得愈而崇祖家亦無恙行述

儲鳴珂字掖垣泰州學生兄楚患癆疾夜寢足冷痛鳴珂以腹煖之年七十九卒以子士雄貴

封武翼都尉節畧

焦率祖字履安甘泉黃珏橋人兄繹祖工騎射能文章壯遊京師為康親王所知及歿王召率祖迎喪率祖哭

極哀未嘗一謁王王使人導之來謝曰王之恩沒世不能忘率祖今日爲兄來見王爲不敬兄持兄喪而見王爲不敬王請以異日王不能強使人贈以金扇扇上有王像傳諭曰有子弟入京持此扇來率祖再拜受之卒不見後以歲貢生官望江訓導卒於任

墓表

陳獻明儀徵人性孝友割股療母疾代伯兄際明償逋負撫仲兄蓋明遺孤養孀姊李晚年與鄉飲大賓

儀徵縣志

翟紹庭字近民高郵人家於子嬰河側乾隆二十九年臘月母澣衣沒於河紹庭赴水救時已暮冰壓殉母死

高郵州志

蕭文球姚炎陳錦皆江都人文球割股救祖母幾至斃

生巡撫慕天顏旌其廬炎十七歲祖母患癱鄰火逼炎

赴火中負祖母出兄早歿遺二女撫養適人錦庶祖母

老病值鄰家火錦抱祖母呼號火頓息江都令趙某旌

其門

見江都縣志暨學案錄存

戴文煊字暘谷儀徵學生幼孤母羅卒築廬墓側朝夕

進食取淨水上供水去墓約里許風雨罔間供後卽以

水爲食自給冀得沾口澤

儀徵續志

蔡鴻信江都人覓食奉母洎娶妻不與同處抱母眠中年眇雙目妻卧病子才八歲遇道士詢知失明故授以

方不索值以櫻拂拭目頓開又以藥飲妻妻霍然起鴻
信自是學負販母壽八十卒鴻信撫哭嘔血數升乾隆

二十二年

旌表 學案錄存

練昆甘泉人父病剜臂肉煎笋湯以進父愈而昆卒秦

觀察賢徵詩以表奇孝 吳均詩小序

徐萬侯泰州人母疾貧不能具醫藥禱於神夢神教以

服天馬心乃可驚寤急走藥肆徧問無此味乃悟曰吾

身屬馬必吾心也遂剜心中肉旋暈絕聞神云此孝子

不宜死恍惚如眾人翼之雲霧中忽醒創已合而肉在

手烹以進母母頓愈 廣陵詩事或謂陳周森草掘人

使用馬肝周森賣船買馬剖肝進母病益劇又夢神

責以馬肝乃悟己生於雍正丙午屬馬剖左脇下得肝

煎以飲母遂愈周森創口亦合惟一小穴如米大有

蕭孝子祠墓出百金作文贈之傳聞有異並記於此

金兆燕徐孝子詩云揚州孝子蕭與任剖肝奇事傳至

今興化乃有徐孝子母病醫母醫以心孝子之心腕且

誠起死絕勝復與苓取心奉母母已活真我自兒還

生兒心母心本為一生機一片相益溢我謂滾滾世間

人止有此人心不失孝子孝子徐萬侯無心一世惟操

舟可憐白髮颯且老終朝孤影臨寒流我為作

歌悲以愴此心耿耿誰堪傍千秋只有安金藏

宋國文江都人父病剖股救之刃利致虧半臂越數載

父又病復剖股不知痛楚 江都縣志

許桐孫字鳳岡甘泉人幼失母父璽遊幕蜀中十年不

歸有父執某自蜀歸謂曰汝父遲我歸數日耳旦夕當聚首也自是日夜懸盼祈神問卜越年餘音耗杳然一日亡去發其篋得遺書謂父死道路此身不可獨生遂自溺於瓜渚漁者得其屍瘞焉家人徧覓聞土人言其狀識其遺履昇棺改殮歸葬城西小雙墩祖塋側時乾隆五十年六月事也年二十八新增

閔廷彪字卧李汀都學生母病脊痛醫云以竹筒近痛處人以口氣噓之使煖廷彪遂窮日夜呼吸不絕母少安而彪以是獲疾卒學案錄存

劉永清字寧萬江都人父林森多隱行酷暑必衣冠至老不倦嘗客興化同人肩妓於室醉林森而昇於其側

醒跳窗出其嚴重類是永清中雍正十三年武舉兩次割股肉療父疾冬夜拜斗淚漬墊上人誤以為魚鱗行略

周之藩字介卿江都醫士也父病治無效割股救之愈又黃士誠割股愈母疾其子琮郡學生亦兩次割股以愈士誠甘泉有趙有彬卞懋中沈應元宋志鼎宋志恒

有彬字眠江割股療母懋中字笠亭父櫻瘡不起懋中割臂肉和藥以進母王亦割股療夫病遂霍然應元父病每日潔父穢以雙手承之母病痢劇應元割股以進母遂愈子逢雲中乾隆五十三年副車志鼎字汝梅年

二十父患痢志鼎焚香禱神割股以進父得愈母病志
鼎弟志恒割股以進志恒字立方隱於釋見康熙志暨江都縣志甘

泉縣志 孝義錄

徐元軾字少陂甘泉邵伯鎮人性孝友五六歲時祖妣
方在殯母思得瓶花為供元軾走數里外得花滿抱歸
與鄰兒戲久之未返母念之甚比歸長跪請受杖母轉
憐之率諸弟就外傳恐夏楚之偶及也每晨必督令成
誦始自讀書同懷八人至華顛友愛如一日邑中義舉
如捐貲普濟堂增常例數倍代輸官欠數百緡等事皆
與弟元惠孳孳為之不倦年六十七卒子二人玉禾玉

立玉禾少嬰瘵疾嘗焚香祝天曰與其生而貽父母戚
不如減算以益親壽之為得也竟卒玉立嘉慶十年進

士候補中書家傳

馬鎧興化人父病割股又吳經父病割左股母病割右
股鈕萬方母病割股儀徵割股者劉楨顧文璿王夢鳳
楨字維周童時割股療母病與兄析居兄中落楨變產
代償其負復迎兄嫂共居文璿字頑石以割股聞夢鳳
府學生十三歲割股療母疾節略

徐之濬字哲明父鑑儀徵學生早卒母守節之濬時年
十五負販供養三十不娶惟積資以備母身後事餘以

供兩叔曰吾歲入有限若娶婦則累更重兩叔將何賴

耶勞瘁卒

儀徵續志

經綸字師誠儀徵優貢生幼嘗割股以療祖母疾至京

師考選甫畢忽心動急治喪歸則其母李疽發幾殆見

綸遂瘞綸由是家居著有寸蚓吟聊且藁家傳

吳湘字岳生泰州人父銓有隱德嘗建育嬰堂人咸稱

之銓患血淋陰塞痛楚號呼湘以氣吸之得通如是者

半年病得痊嘗收租麥數百石值大旱散之親族徒手

歸銓嘉之年二十二卒

新

常世鼎甘泉人父患頸疽鼎年甫弱冠祈天借壽復割

左股煮藥以進得痊同邑汪時煦母患背疽時煦割股

得愈江都胡夢曾字魯堂割股療父病中雍正十三年

舉人汪一崧年十六母病割臂和藥以進母一日愈

同上

李佑字錫疇府學附貢生兄弟五人同居中年遊西江

諸弟分析遺產佑聞感傷不忍受乃以已分益諸弟

獨迎孀母養之年甫三十喪偶至老不娶

節略

鄭禧字錫五江都人繼伯父達為子達病禧甫十餘歲

割股肉以進既遭喪以哀毀致病卒嗣子而孝於為後

之父時尤以為難

廣陵詩事

李鍾源字嵩亭甘泉人家赤貧寄居三義閣側以星命

爲業有所得卽買酒肉供母餘以濟乞人愛其弟鍾泗而教之不倦鍾泗會文友家無僕輒自持燈或雨具立其家門外待弟出與歸自不娶爲弟聘婦竭力營一室將遷居而歿鍾泗另有傳家傳

邢楷字端士甘泉人幼孤貧舌耕養母乾隆五十九年母病瘵歿楷哀毀亦歿年二十一鄉人以孝請

旌

淮海英靈集

李文場字薦黃江都人十三歲隨父鳴謙行舟省祖墓鳴謙落水文場大呼躍入水牽衣不放舟人以篙挽之父子俱無恙次年母孫患痘鄰火將及室文場冒火救母出父病咯血文場欲吞之曰使膏肓之疾入我腹中或可代父乃割股肉進不效將封肝家人驚覺不果已而父歿文場哀毀股創發囑弟善事母言畢而歿去鳴謙歿十二日年十八乾隆五十七年

旌

表以弟文瑛子增孝爲嗣節略

林廷岳字詢四甘泉人居西山陳家集父病廷岳籲於天以身代割臂肉入藥病遂愈後二十年父再病再割之病劇不能食藥而卒臂瘰累累兄廷和清宦有貸未償者尚半廷岳代償之集諸子及兄諸孫悉焚其書券諸從孫皆拜泣各出錢以甘旨廷岳精於醫尤善治

目 聖經室
文集

喬學孟字以直寶應人附貢生赴試南闈聞母病兼程歸母患背疽起動非學孟不適學孟侍牀第九十餘日無倦色兄學顏病學孟卧兄榻下者兩閱月病得愈嘉慶元年舉孝廉方正知縣欲以學孟應固辭年七十五無疾終節略

汪世勳甘泉人割臂愈母病弟世烈遠出妻死遺一子甫三歲世勳教之成立世烈中順天舉人客京師甘載無內顧憂皆兄力也竟以勞瘵卒於家同上

閔恒字恒吉儀徵學生工詩畫父病割股療之父卒殯葬畢哀痛鬱結若癩投父墓側溪中而死同上

陳心堯甘泉人出為道士乾隆四十二年母患病心堯年十四虔奉湯藥夜拜斗及病篤割股肉以進母驟愈

孝義錄 淮海英靈集載江都學生劉志仁贈陳心堯道侶詩云 婆娑方居十餘齡 一段精神出性情 自古神仙多孝子 蓬萊應已列君名 案宋史忠義傳載僧真寶道士莫謙之徐道明今本其義錄陳心堯於孝友之末

附錄 以下諸人事蹟缺 略者例得列名

明

蘇應芳胡易崔一鳳華時敘李承廕趙聚奎王自強胡滂李湘汪有誥華時中蘇眉鍾永蕙陳世雍崔士言宋

朝臣宋朝卿俞廷薦俞廷彥張慶衍史先知程士珍張

元弼寧華錦倪嘉會彭以助張文式丁庚曾夢帶高天

廕皆江都人萬應徵李恂徐文明周文顯王國輔孔貞選王

維亮殷三友一作王友經世偉陳嘉試趙文炳殷湯達白所

志徐光裕詹鍾吉葉明沙稷侯新李鵠李毓柳璣金湯

江應全汪道宏江萬九詹大全皆儀真人張効先華梓馬守

業吳宗祐費廩費庸皆高郵人任材王與立任性袁晟禹萬

節潘夢龍解良弼李宗甫趙忻陸權楊縉徐霖陳思敏

解謙魏應周皆興化人朱克明刁慤張拱化顏恒田繼祖皆寶

應八萬中英李廕周溢錢誼孔學文繆好直繆嶽余申吉

徐彬生許城劉光宇宮景隆邱俊王隲施錫皆秦州人

朝

車鳴和方陳章車映昌仲儀汪恕蕭惟基倪成三史大

生吳兆麋高策黃琮汪三才管士俊金天福胡宗安余

鏞梁崇甯宗越史行義程國柱蘇汝爵蘇汝祿蘇汝顯

陳道史璜藍鍾華王詢石崇陞張濂朱呈祚皆江都人李登

豸黃虞治黃兆麟汪之炅王國璠羅秉瀚羅秉法皆甘泉人

李應婁吳濂杰張兆璉劉駿烈王定全王鏞殷趙王尚

宗王家珍吳欽卞玉振程桂生董世榮路之鼎任三俊

陳彝宮於庭詹宗祥湯名揚陳國柱劉繼漢張翀倪肇

周薛肇商王螽昌王肇昌劉起龍顧璘王夢熊盛宗綱

夏錦文張昂皆儀徵人胡傲楊三策陳文憲劉延禧林紹榮

宋學龍皆高郵人楊于陞興化人李祐李社高簪纓仲青巖姜

維祺姜舒祺韓鶴朱昊朱學朱彤堦李登雲李渾黃琪

王苑才葉厚宣李士奇吳士俊施鴻孫楨徐時命崔之

秀蔡日泰蔡承才符宏恩徐祺繆昌皆秦州人杜顯廷韓日

永顧魁南曹建中李鐸李芝蔭夏一鶴陳蕃初周心融

皆東臺人

重修揚州府志卷之五十

